

## 20.- WONE BÀŊQAASU NJÀŊGALE

Ci turu mboleem ñi séqq njàng mi fii ci Aragon, dalleen ci jàmm yow ak sa waa kër.

Njàng mi amna njariñ ngir nit ku nekk ak itam ngir askanwi. Dina la dimbèle nga am daraja, nga yookk sa mënmen, dinga gënë xam itam liy dëgg ak yeneen.

Fi ci Espaañ njàng jang mi mingi nekk ci loxoy guwerenmaa bi ak dëkk yi. Loolu moo tax njàng mi ak diploom yi benn la ci Espaañ gépp, doonte sax kunekk ca dëkk ba nga nekk lañ lay jàngal ngir nga xam ko bubaax.

Njàng mu warmi lu am solola ndax liko taxa jóg mooy ñu fexe ba képp kuko jeexal nga mënë dund ak nite ñu wute. Mënë dund ci réewum demokrasi, ci réew mu bari ay aada. Kuko jeexal boo béggee dinga mën itam kontine sa njàng jëm ci daara ju mag ji. Loolu mootax njàng moomu dina xawa jafe rawatina boo jógee ci beneen réew di làkk làkk bu wutee'k binga wara jàng. Ci njëlbeen dina jafe nga xam nanla njàng mi di doxe, lanelañ wara def ci njàng mu nekk.

Kalaas yinga xamne dafa am xeet yu bari dinañu ubbil ay bunt ngir ñu mënë xamante mënë jàngando. Nit ñu bari ñingii liggéey ngir loolu menë yoomb. Jàngalekat yi ak képp ku nekk ci ekool bi nekkewuñfi ludul dila teg ci yoon. Kuréel gi yor njàng mi fii ci Aragón wutenañ ay juumtukaay ngir jappale jàngalekat yi ak ay juumtukaay ngir waa ekool bi.

Wideo dina dimbèle ngir nga xam doxalinu njàngmi cisa ekool, say yelleef wolla book “droit”, ak say wareef wolla book “dewaar”, ak bunt yinga am ngir kontine sam njàng.

Jàng beneen làkk budul sa bos lu jafe lool la. Xamnañu ni mën na nekk gallan'koor ngir nga kontine sam njàng. Bul tayyi doonte sax jafena. Xalaatal ni ay góor ak ay jigéen yu mel na yow amenañu ci ay ndam yu rëy.